



<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311H2	<i>Expediente</i>	<i>Fecha</i> 06-08-19 09:58

Sello o Certificación Mecánica

Número 28.- Proposta da concelleira delegada de Educación para dar conta da sinatura do convenio de colaboración entre a Consellería de Educación, Universidade e Formación Profesional e o Concello de Santiago para a xestión do servizo de comedor escolar en nove centros educativos do Concello de Santiago de Compostela para os cursos escolares 2019-2020 e 2020-2021.

*Destinatario*

15078DCMG1311H2p



A Xunta de Goberno da cidade de Santiago de Compostela, na sesión que tivo lugar o día 05 de agosto de 2019, previa declaración de urxencia acordada por unanimidade, adoptou o seguinte acordo:

**NÚMERO 28 .- PROPOSTA DA CONCELLEIRA DELEGADA DE EDUCACIÓN PARA DAR CONTA DA SINATURA DO CONVENIO DE COLABORACIÓN ENTRE A CONSELLERÍA DE EDUCACIÓN, UNIVERSIDADE E FORMACIÓN PROFESIONAL E O CONCELLO DE SANTIAGO PARA A XESTIÓN DO SERVIZO DE COMEDOR ESCOLAR EN NOVE CENTROS EDUCATIVOS DO CONCELLO DE SANTIAGO DE COMPOSTELA PARA OS CURSOS ESCOLARES 2019-2020 E 2020-2021.**

Dáse conta á Xunta de Goberno da Cidade de Santiago de Compostela da proposta, de data 1 de agosto de 2019, da técnica do departamento de Educación, conformado coa mes data pola da concelleira delegada de dita área; cuxo teor literal é o seguinte:

**"CONVALIDACIÓN E DACIÓN DE CONTA DA SINATURA DO CONVENIO ENTRE A CONSELLERÍA DE EDUCACIÓN, UNIVERSIDADE E FORMACIÓN PROFESIONAL E O CONCELLO DE SANTIAGO DE COMPOSTELA PARA A XESTIÓN DO SERVIZO DE COMEDOR ESCOLAR EN NOVE CENTROS EDUCATIVOS DO CONCELLO DE SANTIAGO DE COMPOSTELA PARA OS CURSOS ESCOLARES 2019-2020 E 2020-2021.**

Iníciase a tramitación deste expediente por orde da concelleira delegada de Educación co obxecto da convalidación e dación de conta da sinatura do Convenio de colaboración entre a Consellería de Educación, Universidade e Formación Profesional da Xunta de Galicia e o concello de Santiago para a xestión do servizo de comedor escolar

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311H2	<i>Expediente</i>	<i>Fecha</i> 06-08-19 09:58

en nove centros eudcativos do concello de Santiago durante os cursos escolares 2019-2020 e 2020-2021.

#### I. ANTECEDENTES:

1.- A implantación do comedor escolar obedeceu nos seus inicios á necesidade de dar resposta á situación de desvantaxe social e económica de moitas familias, derivada da tradicional dispersión xeográfica galega, que dificultaba o acceso dos escolares á ensinanza, razón pola que se concibía unido ao transporte escolar. No momento actual, o comedor escolar está acadando novas virtualidades, derivadas da súa condición de medio básico na conciliación da vida laboral e familiar.

A subscrición deste convenio mellora a eficiencia da xestión pública e favorece a eliminación de duplicidades administrativas na xestión do comedor escolar.

2.- Que o Concello de Santiago de Compostela decidiu hai uns anos impulsar a xestión dos comedores escolares dos centros de educación infantil e primaria existentes no seu termo municipal, asumindo a organización dos mesmos e o seu financiamento, para o que contou coas correspondentes achegas económicas dos pais e nais do alumnado comensal en concepto de copago do servizo.

Naquel momento, a inquietude manifestada polo Concello de Santiago de Compostela contou coa aquiescencia da Consellería de Educación e Ordenación Universitaria, que foi autorizando a apertura de comedores escolares nos CEIP Apóstolo Santiago, CEIP Ramón Cabanillas, CEIP Cardeal Quiroga Palacios, CEIP Roxos - Villestro, CEIP Monte dos Postes, CEIP Mestre Rodríguez Xixirei, CEIP Fontiñas, CEIP Vite I e CEIP Raíña Fabiola, facilitando para o efecto a actuación xestora municipal.

Con tal motivo e coa perspectiva outorgada polo tempo de desenvolvemento das actuacións referidas, a experiencia demostrou a súa eficacia e impacto positivo na comunidade educativa compostelana, dadas as específicas características poboacionais deste concello; con data do 23 de xullo de 2015 asinouse un convenio de colaboración para a xestión dos comedores escolares nos centros antes citados, con vixencia para os cursos 2015/2016 e 2016/2017.



<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i>	<i>Expediente</i>	<i>Fecha</i>
CMG13I1H2		06-08-19 09:58

Sello o Certificación Mecánica

Con data do 7 de xullo de 2017 a Consellería de Cultura, Educación e Ordenación Universitaria asinou un convenio de colaboración para a xestión do comedor escolar nos ditos centros, con vixencia para os cursos 2017/2018 e 2018/2019.

Neste senso, tendo en conta os bos resultados acadados, a Consellería de Educación, Universidade e Formación Profesional quere unirse á aposta que realizou no seu día o Goberno Municipal de Santiago de Compostela e neste tempo de crise económica persoal e social colaborar co concello, co fin de favorecer a conciliación da vida familiar e laboral, contribuíndo á vez a fomentar a adquisición de hábitos nutricionais e hixiénicos saudables polos escolares.

3.- Ante isto, a Consellería de Educación, Universidade e Formación Profesional e o Concello de Santiago de Compostela, conscientes da importancia que para moitas familias do concello supón o comedor escolar como medio de conciliación da súa vida laboral e familiar, de acordo co previsto no artigo 2.1 d) do citado Decreto 132/2013, do 1 de agosto, consideran adecuado a sinatura dun convenio de colaboración para os cursos escolares 2019/2020 e 2020/2021.

4.- Dito convenio foi asinado os días 10 e 11 de xuño de 2019, sen cumprir o requisito previo de envialo para á súa fiscalización ao Departamento de Intervención do Concello de Santiago.

5.- O presente convenio ten por obxecto establecer as bases da colaboración entre a Consellería de Educación, Universidade e Formación Profesional (en adiante Consellería) e o Concello de Santiago de Compostela (en adiante Concello) para a xestión e organización do servizo de comedor escolar nos CEIP Apóstolo Santiago, CEIP Ramón Cabanillas, CEIP Cardeal Quiroga Palacios, CEIP Roxos - Vilvestro, CEIP Monte dos Postes, CEIP Mestre Rodríguez Xixirei, CEIP Fontiñas, CEIP Vite I e CEIP Raíña Fabiola, radicados neste concello.

6.- Os compromisos asumidos polo Concello neste Convenio están reflectidos na cláusula segunda do mesmo.

O Concello asume o financiamento do custo dos comedores escolares dos centros anteriormente citados, contratando a prestación do servizo de comedor escolar para cada centro educativo, de conformidade cos procedementos e formalidades esixidos pola normativa vixente en materia de contratación pública, así como o control posterior da súa execución, sendo de cargo dos usuarios do

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311H2	<i>Expediente</i>	<i>Fecha</i> 06-08-19 09:58

citado servizo, de así determinalo o concello, o financiamento dos custos en todo o que exceda da achega económica da Consellería de Educación, Universidade e Formación Profesional.

7.- A Consellería comprométese a colaborar economicamente na xestión e organización do servizo comedor escolar nos CEIP Apóstolo Santiago, CEIP Ramón Cabanillas, CEIP Cardeal Quiroga Palacios, CEIP Roxos - Vilvestro, CEIP Monte dos Postes, CEIP Mestre Rodríguez Xixirei, CEIP Fontiñas, CEIP Vite I e CEIP Raíña Fabiola, mediante unha achega económica de 163.226,00 €, con cargo a aplicación orzamentaria 10.10.423A.460.0 dos orzamentos xerais da Comunidade autónoma de Galicia, dividida nas seguintes anualidades e importes:

Ano 2019: 26.134,50 €

Ano 2020: 81.613,00 €

Ano 2021: 55.478,50 €

O feito de fixar a achega pública como un importe certo, supón que queda de conta do Concello a diferenza de financiamento necesaria para a total execución da actividade, debendo ser reintegrada, no seu caso, esta achega pública unicamente polo importe que superase o custo total da actividade.

Será compatible a percepción doutras axudas para o mesmo proxecto sempre que, illada ou en concorrencia con ingresos, subvencións ou axudas doutras administracións públicas ou Boutros entes públicos ou privados ou dos/das usuarios/as do servizo, non supere o custo da actividade que vai desenvolver o beneficiario.

## II. CONSIDERACIÓNS:

1.- Para o procedemento administrativo, con carácter xeral, artigos 163 a 185 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, así como artigos 54 e seguintes da Lei 39/2015, de 1 e outubro, do procedemento administrativo común das administracións públicas.

2.- O presente convenio ten por obxecto establecer as bases da colaboración entre a Consellería de Educación, Universidade, e Formación Profesional e o Concello de Santiago de Compostela para a xestión e organización do servizo de comedores escolares en nove centros educativos do concello e, que son os seguintes:

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311H2	<i>Expediente</i>	<i>Fecha</i> 06-08-19 09:58

- CEIP Apóstolo Santiago
- CEIP Ramón Cabanillas
- CEIP Cardeal Quiroga Palacios
- CEIP Roxos - Villestro
- CEIP Monte dos Postes
- CEIP Mestre Rodríguez Xixirei
- CEIP Fontiñas
- CEIP Vite I
- CEIP Raíña Fabiola

3.- Tal e como se recolle no texto do Convenio "A implantación do comedor escolar obedeceu nos seus inicios á necesidade de dar resposta á situación de desvantaxe social e económica de moitas familias, derivada da tradicional dispersión xeográfica galega, que dificultaba o acceso dos escolares á ensinanza, razón pola que se concibía unido ao transporte escolar. No momento actual, o comedor escolar está acadando novas virtualidades, derivadas da súa condición de medio básico na conciliación da vida laboral e familiar. A subscrición deste convenio mellora a eficiencia da xestión pública e favorece a eliminación de duplicidades administrativas na xestión do comedor escolar".

4.- Dito convenio foi asinado os días 10 e 11 de xuño de 2019, sen cumprir o requisito previo de envialo para á súa fiscalización ao Departamento de Intervención do Concello de Santiago.

5.- Con data de 21 de xuño de 2019 a Consellería de Educación e Ordenación Universitaria remitiu a este concello de Santiago o Convenio de colaboración, unha vez aprobado polo Consello da Xunta de Galicia.

**PROPOSTA DE RESOLUCIÓN:**

Dado que o Convenio foi asinado sen cumprir o requisito previos de envialo para á súa fiscalización ao Departameno de Intervención, proponse agora a súa convalidación e a dación de conta da sinatura do Convenio de colaboración entre a Consellería de Educación, Universidade e Formación Profesional e o Concello de Santiago de Compostela para a xestión do servizo de comedor escolar en nove centros educativos para os cursos escolares 2019-2020 e 2020-2021."

<i>Dependencia</i> CMG.- Asistencia á Xunta de Goberno da cidade de Santiago de Compostela 77.- TMARE		
<i>Documento</i> CMG1311H2	<i>Expediente</i>	<i>Fecha</i> 06-08-19 09:58

Informados/as os/as concelleiros/as, a Xunta de Goberno da cidade de Santiago de Compostela acorda por unanimidade dos seus membros presentes:

Convalidar e tomar coñecemento da sinatura do Convenio de colaboración entre a Consellería de Educación, Universidade e Formación Profesional e o Concello de Santiago de Compostela para a xestión do servizo de comedor escolar en nove centros educativos para os cursos escolares 2019-2020 e 2020-2021; de conformidade coa proposta transcrita.

A CONCELLEIRA SECRETARIA SUBSTITUTA DA XUNTA DE GOBERNO DA  
CIDADE DE SANTIAGO

Asdo: Marta Abal Rodríguez

